

沈席
師裕
徐福
輯

皇朝政典類纂

文海出版社
有限公司
印行

皇朝政典類纂

江苏工业学院图书馆
藏书章

皇朝政典類纂卷一百五十三

禮一

吉禮南郊一

冬日至大祀 天於 圜丘之禮先祀期五日遣親王一人詣犧牲所祭代昃牲先三日昧爽人常寺進齋戒牌銅人證黃案於 乾清門中門之左 皇帝致齋於大內自員外郎騎都尉以上咸齋於公署先二日遣禮部尙書一人詣犧牲所省牲如昃牲儀是日昧爽太常寺司祀恭送祝版於內閣授中書舍人安奉潔室敬甚祝辭於版畢內閣典籍繕設黃案於政事堂正中舍人奉祝版陳於案南向大學士詣案前立北面展祝文敬書 御名畢舍人奉祝版仍安潔室煇翼日授司祝 祀前一日御史二人禮部祠祭司官二人咸朝服昃宰是日五鼓太常寺卿率屬潔蠲 壇上下藉以饌薦設 上帝神座於 圜丘第一成南向 太祖高皇帝東配西向 太宗文皇帝西配東向次 世祖章皇帝東配西向 聖祖仁皇帝西配東向又次 世宗憲皇帝東配西向 高宗純皇帝西配東向又次 仁宗睿皇帝東配西向 四從神於第二成 大明東 夜明西北斗七星五星二十八宿周天星辰在 大明之次 雲師 雨師 風伯 雷師在 夜明之次均施青幄太常寺典簿陳牲俎於 神廚博士辨籩豆簠簋之實登以太羹鉶以和羹簠以稻粱簋以黍稷籩以形鹽麋魚栗棗菱芡鹿脯白餅黑餅饌餌粉羞豆以韭菹醯醢菁苴鹿醢芹苴兔醢苴魚醢脾析豚拍醢食糝食以次展器於 神庫屆時 皇帝龍袍袞服乘輿出宮前引後扈如常儀詳見嘉禮朝賀儀至 太和殿北階降輿升中階至丹陛上詣 案前次第恭闋祝文玉帛香畢行一跪三拜禮禮成 皇帝乘輿還宮 太常

寺卿隨享送 南郊安奉 神庫內是日徹 乾清門齋戒牌銅人恭送齋戒牌銅人於 齋宮導引如儀其
日 皇帝龍袍袞服乘禮輿出至 南郊由外垣西門入至 昭亨門外 神路西掌儀衛內大臣一人跪
奏請降轎轎儀使奉轎扶轎官納陛於轎前如前儀 皇帝由外垣南左門入至 皇穹宇詣 上帝香案前
上行三跪九拜禮兩廡 從位遣分獻官上行禮 皇帝詣 圖丘陟午階第一成恭祝 上帝位 列
聖配位 皇帝閣眠鑲豆牲牢贊引跪奏如前儀畢 如開遇遣官則令分獻官分詣省既 皇帝由內垣南左
門出至外垣左門外 神路西升簾如乘禮輿至齋宮則轎仍設詣 齋宮門外 皇帝降轎升禮輿入 齋
宮祀日 皇帝御祭服乘禮輿出 齋宮詣 壇上香奠玉帛進俎進爵飲福受胙 皇帝率羣臣行三跪九
拜禮奏樂讀祝三獻禮成還大次更衣乘禮輿還宮

凡孟春上辛 祈穀之禮 凡 祈穀以正月之上辛若立春在上辛後則用次辛在次辛後則用下辛 既牲齋

戒 省牲書祝版既割牲閣祝版玉帛香如 圖丘儀其日 皇帝龍袍袞服乘輿出宮詣 皇乾殿 神位
前上行禮次詣 祈年殿恭祝 壇位畢既鑲豆牲牢並同大祀儀祀日 皇帝御祭服乘輿詣 祈年殿

上帝位前 列聖配位前跪上香畢興復位率羣臣行三跪九拜禮禮成還宮

凡因事祇告 圖丘之禮遣親王一人將事至日遣官入 壇詣 神位前行三跪九叩禮如儀

凡 列聖升配 南郊之禮 制下禮部具疏行欽天監諏吉工部於 昭亨門外擇潔地設黃幄太常寺設
香案於幄內禮工二部尚書上行香行三跪九叩禮工部敬製 升配 神位既成諏吉鑄字內閣翰林官朝服
敬書題字大學士滿漢官一人朝服眠鋪上香行禮如儀同日培青大學士二人朝服祇竣於恭製 神位黃

禮前太常寺官員備燈大學士入帳右門請案前上香行三跪九叩禮恭祝工部以青飾 神位題字畢禮部
尚書請案前恭奉 神位安於黃案上香行禮如前儀畢各退 升附 太廟禮成詠 升配 圖丘吉日
以 闕飭諸司敬謹供備前一日遣官各一人祇告 天 地 宗廟 社稷如常告儀屆日太常寺卿入
壇陳設 皇帝禮服出 齋宮乘輿詣 壇恭奉 神位贊引跪奏 廟諡皇帝祇見 皇天上帝 皇帝三
跪九拜恭代行祇見禮畢奉安 神位於寶座迺行大祀禮儀節均與冬至同祀畢 皇帝出 昭亨門左
門乘輿還宮太常寺官恭請 神位御 皇穹宇上香行禮均如 郊祀儀翼日 頒詔布告天下
凡 升配 圖丘禮成恭遇孟春上辛吉日秩祀 祈穀壇迺奉 神位配饗 祈年殿祀前諸儀並同 圖
丘豫日有司恭設 升配寶座於 祈年殿屆日設龍亭黃蓋 御仗於恭製 神位黃幄前導引如儀 皇
帝恭奉 神位由左階升入 祈年殿左門奉安於 寶座 不再行祇見禮餘儀節均與上辛 祈穀同以上
通禮

太祖高皇帝天命元年五月貝勒以下諸臣奉上 皇帝尊號立國建元行焚香告 天禮通志
天聰十年王貝勒以下諸臣奉上 太宗文皇帝尊號是年始建 圖丘于 盛京德盛門外制九成周圍一
百十丈南門三東西北門各一 太宗率王貝勒以下文武羣臣齋戒三日於四月乙酉以太牢 親祀 南
郊建國號曰大清改元崇德是爲 本朝祀 天於郊之始舊例以生太牢祭告卽以祭肉分給眾官 太宗
諭曰古帝王當未知火食之前卽行祭天之禮是以用生牢致享後世特踵而行之未之有易耳況以恭祀
上天之胙分給眾官各於其家享之是反污褻也可熟而薦之祭畢卽於 上帝神位前分享乃爲潔誠於

是定制祭 天用太牢熟薦十一月乙丑冬至大祀 天於 圓丘時將征朝鮮並告征是爲冬至大祀

丘之始通典

崇德五年冬至以 聖躬違和遣官恭代並令文武羣臣齋戒陪祀通考

七年冬至以 駐蹕納蘭遣官恭代齋戒如禮停止行獵通典 通考 通志

順治元年七月癸巳 世祖章皇帝以定鼎燕京遣官告祭 上帝會典事例

十月乙卯朔 世祖定鼎燕京 親祀 南郊告祭 天 地卽皇帝位是年定制每歲冬至大祀 天於

圓丘以 大明 夜明 星辰 雲雨風雷爲四從壇配享又定制每年正月上辛日祭 上帝於 大享殿

祈穀禮儀與冬至大祀同惟不設 從壇神位不燔柴 圓丘在正陽門外南郊形圖象天南向三成內壇形

圓周百有六丈四尺門四外壇形方周二百一丈一尺門四壇北門後爲 皇穹宇南向形圖左右廡各五間

圓垣形圓周五十六丈六尺八寸南向門三壇外圓垣門四東曰泰元南曰昭亨西曰廣利北曰成貞門北爲

祈穀壇形圓南向三成上建 大享殿今改爲 新年殿制圖左右廡各九間內壇周百九十七丈七尺二寸

門四北門後爲 皇乾殿殿五間壇外圓垣門四南接成貞門內外圓垣二重內壇周千二百八十六丈一尺

五寸外壇周千九百八十七丈五尺西向門二南北並列南入 圓丘北入 祈穀壇通典

凡祀 圓丘以冬至日之時後定於書明時與孟春 祈穀均爲大祀通志

十一月冬至大祀 天於 圓丘 親詣行禮冬至前三日以將行 親郊祭告 太廟是日禮部太常寺官

設齋戒銅人於 武英殿正中越二日奉三亭於 武英殿貯祝版祭帛香燭金爐祝版上書 御名恭呈

圖丘正祭日禮部尙書奉 皇天上帝神牌於龍亭內奉安 郊壇第一成正位奉安 從祀四神牌於第二

成 世祖章皇帝親詣行禮禮成還宮告 太廟會典事例

二年十月定 郊祀齋戒及設玉帛祝文香亭儀注通典

三年四月設守視 天壇 地壇 社稷壇官員通志通考通典會典事例同

四年三月定大祀 南郊用牂牛之禮禮部奏言 國初定制祀 南北郊及 社稷壇向例俱用生牢今應

如舊惟 南郊以牂牛一進 上得 旨照舊例如朕親祀則照例進牂牛遣官則止通考 通典

五年十一月戊辰冬至大祀 天於 圖丘奉 太祖高皇帝配享前期四日遣官四員告祭 天地 宗

廟 社稷正祭日 皇帝詣 壇行禮奉安 太祖高皇帝神位於 上帝神位之左旁青幄內一應禮儀俱

與上帝位前同通考

八年三月定祭祀齋戒例凡大祀齋戒三日中祀戒齋二日或 親祭或遣官恭代俱於 太和殿設齋戒牌

銅人各衙門亦設齋戒牌如 親祭 南北郊王以下公以上各在家齋戒陪祀各官於各衙門齋戒其不在

部院衙門者於金水橋兩旁齋戒如遣官代祀則 皇帝齋戒王公不必齋戒陪祀各官齋戒如前如 親饗

太廟祭 社稷 歷代帝王廟王以下陪祭各官以上俱於家內戒齋如遣官代祀與 郊祀例同康熙年

中定例齋戒前一日禮部太常寺後專由太常寺 題請進齋戒牌銅人越日恭設於 乾清門中間東簷下各

衙門俱設齋戒木牌若 郊壇大祀照例齋戒都察院遣官至齋所點齋大清會典定制 南北郊祀 皇帝

於大內齋宮致齋二日壇內齋宮致齋一日 頒敕羣臣誓戒百執事恭書於版王公陳設於府第文武官陳

設於公署各致齋二日隨壇齋宿一日如響 太廟祭 社稷 皇帝於大內致齋王公於府第文武官於公署各致齋如祭各中祀 皇帝於大內致齋百官均於私第致齋凡陪祀致齋各官不理刑名不宴會不聽音樂不入內寢不問疾弔喪不飲酒茹葷不祭神不掃墓有疾有服者皆弗與其有故違不到者察治之若小祀則不進齋戒牌各衙門不致齋 通考

八年四月定諸王文武羣臣陪祭扈從及送 駕接 駕儀注 通典

六月定制凡祀 圖丘 方澤先期三日遣公侯伯一人既牲前二日遣禮部堂官省牲 通典

十二年諭禮部 郊祀大典遣官恭代亦必如禮致齋今十一月二十五日冬至祀 天已於十九日遣官恭代但因駐蹕南苑致齋日期部臣未經題明奏知失記猛省不勝悚惕朕爲 天之子昭事當虔卽選擇吉日祇申祭告爾部奏行會典事例

十四年正月辛亥祈穀於 上帝奉 太祖高皇帝配享初制每年正月上辛日祭 上帝於 大享殿祈穀至是親詣行禮一應儀節俱與冬至大祀同 通考

二月諭禮部 南郊祀 天理宜嚴重祀前一日朕親宿齋宮祀前五日朕親詣既牲如遣官恭代亦著詣壇齋宿既牲永著爲令其年舉行祀典 親詣如儀故有 皇帝既牲之禮自後遣官爲常會典定制凡大祀南北郊前五日遣官恭代既牲前二日遣禮部尙書一人省牲響 太廟祭 社稷以前三日中祀以前二日均禮部尙書一人既牲 通考

又定修理 天壇 神牌遣太常寺卿一人赴 神位前上香行一跪三叩禮恭奉 神牌於 神庫內修理

告成之日仍恭奉 神牌至原位奉安舉行一跪三叩禮退會典事例

三月己酉大祀 天於 南郊奉 太宗文皇帝配享 圓丘 祈穀壇禮部奉 諭旨禮莫重於事 天享

莫重於尊 親朕每歲郊祀皆奉 太祖高皇帝配享今思 太祖受命 上天肇興帝業 太宗繼志述事

丕振皇猷功德並隆咸宜崇祀以後冬至祈穀祭 天俱奉 太宗同 太祖配享夏至祭 地亦奉 太祖

太宗配享著爲定制部臣議奏配享大典現今夏至在邇冬至尙遙若先 方澤而後 圓丘於序少紊若後

冬至 太宗配 天之後明歲舉行 方澤配享禮爲期太遠應不俟冬至夏至卽恭製 太祖 太宗神牌

先行太宗配享 圓丘 祈穀壇之禮隨行 太祖 太宗配享 方澤之禮前期遣大臣祭告 天地

宗廟 社稷至期 皇上親詣 圓丘行禮隨詣 祈穀壇行禮儀飾俱如 南北郊舊例大禮告成之後宜

布告天下奏上如議正祭日詣 壇行禮恭奉 太宗文皇帝神位奉安於 上帝神位之右旁青輦內如

太祖配享儀通典

十七年二月諭禮部帝王奉 天子民享 帝大典所關尤重儀物必克備乃足昭對越之誠向來 郊祀惟

冬至用燭柴禮 祈穀壇未經舉行同爲祀 上帝典禮不宜有異嗣後 祈穀亦行燭柴禮通考

四月己酉合祀 天地 百神於 大享殿先是二月 諭禮部帝王父 天母 地祇祀大典務求至當

朕考洪武初原係孟春合祭南郊嘉靖年間始定分祭冬至祀 圓丘夏至祭 方澤春分朝 日秋分夕

月而合祭遂止朕思合祭之禮不宜竟廢今欲祇申昭事之誠每年孟春合祭 天地 日月及諸神於

大享殿但禮關重大爾部詳議以聞部臣議奏合祀事宜請照前明會典開載舉行尋奉 諭旨合祭典禮

已定於孟春舉行爾部擇期速議又 諭春孟祈穀向例於 大享殿今 大享殿合祭以後祈穀禮於 園丘舉行部臣議奏 大享殿內神座應增設 皇地祇神座其 從壇照舊用頂架在丹墀內東西相向其東西二十增原在內壇外設亦宜在丹墀內照東西向少後至於 神牌臨期迎請未便應令工部恭製安奉前期一日於各 壇 廟行祭告禮又議以 啟運山附於 中嶽壇 天柱 隆業二山附於 北嶽壇設祭皆從之尋定從祀爲十二壇通考

十八年正月己未 聖祖仁皇帝登極以卽位遣官告祭 昊天上帝尋以諸臣詳議祀典各祀如舊其禁中上帝壇及 大享殿合祀 太廟階下合祭皆請停罷從之通考

十八年十一月丙子冬至 聖祖仁皇帝大祀 天於 圓丘 親詣行禮通典

康熙三年 諭冬至 四從壇分獻向來遺訓都統侍郎不合應以都統尙書一品大臣分獻會典事例

大年十一月丁未冬至大祀 天於 圓丘 世祖章皇帝配享御史周季琬疏言 世祖章皇帝以創業垂統之君文德武功光昭萬世應同 太祖高皇帝 太宗文皇帝配享 聖祖仁皇帝親詣行禮恭奉 神位奉安於 上帝神位之左 郊壇乃合殿父配天之義下體臣職卜日行禮尋允所奏於丁未冬至大祀之日舉行其配享 方澤卽於丙辰日舉行正祭日 太祖高皇帝之大第二青帳內前期祭告一應禮儀俱與順

治十四年同通考

山東道監察御史周季琬奏爲郊祀之期在邇請崇配 夫之禮以光孝治事臣聞郊祀之典肇自有虞因敬天而大報本祖有功宗有德皆以配享上帝此治世之大經古今之通義也我 皇上紹膺大寶南郊大

祀歲一舉行親承祖嚶以 太祖 太宗並配久著敬 天報本之誠惟是 世祖章皇帝以創業垂統之君
文德與武功並懋升遐以來固已陟降在 帝左右矣但未奉 神主於郊壇則 皇上對越之際必有未盡
愜之孝思也夫孝莫大於嚴父嚴父莫大於配天自古迄今未有受命之君而不配天者亦未有稱祖而不配
天者三代之隆禮明樂備莫盛于周其時禘嘗而郊稷祖文王而宗武王祭法曰祭昊天於圜丘曰禘祭上帝
於南郊曰郊祭五帝五神于明堂曰祖宗又曰祖者始也宗者尊也禘郊祖宗皆祭祀以配食之名也可見成
周之世已有四后並得配享漢承秦後禮樂廢墜至孝武太始四年乃祀高祖於明堂以配上帝明帝永平二
年祀五帝於明堂又以光武配唐高宗顯慶二年詔圜丘以高祖太宗並配代宗永泰二年春祈夏雪秋享冬
報以太祖高祖太宗肅宗分配宋初制南郊地祇及感生帝凡七祭以四祖迭配至仁宗皇祐二年大享天地
於明堂以太祖太宗真宗並配儀如圜丘又詔南郊亦以三聖並侑明洪武時合祀天地止奉仁宗配至洪熙
元年更奉太祖太宗並配此歷代祀天配享之大略也由是觀之因革損益原無定制孝思不匱禮可以義起
者也我 國家混一區宇規模宏遠應使禮樂明備駕軼百王今祁寒將至大祀南郊爲期不遠伏乞 皇上
敕下禮部酌古準今修明祀典卽奉 世祖章皇帝之神主並享郊壇斯于孝經嚴父配天之義深合而曲當
矣 皇清奏議

又 諭朕惟自古帝王建極綏猷保民圖治莫不以懋昭先德祇盡孝誠爲務恭惟

世祖章皇帝功德兼隆當崇配享謹告 天地 宗 社率諸王貝勒文武羣臣於康熙六年十一月七日

丁未冬至大祀 天於 圜丘恭奉 世祖章皇帝配享祀日 聖祖仁皇帝親詣行禮是月丙辰卽舉行配

享 方澤禮九年正月辛丑祈穀於上帝奉世祖章皇帝配享通典

十二年八月定祭祀時辰及別殿齋戒之例禮部奉諭旨議奏歷代祭祀時辰俱未畫一詳定請照太宗文皇帝時壇廟用黎明夕月壇用酉時又言歷代致齋俱於別殿今凡遇祭祀皇上應於別殿齋戒從之通考

又奏准神樂觀內大殿所懸扁額係太和殿三字應改爲凝禧殿會典事例

二十五年十二月禮臣議請大祀陪祀官員不照加級止論職掌有失儀者監察御史及禮部指名題參其他中祀亦如此例行疏上從之通典

二十八年十二月諭內閣祈穀壇或有一代祀之亦有不祀之者輔臣時輟其祀矣朕以爲民祈穀之故肇舉祀事每歲祭文皆因舊詞比年穀未大登民艱於食夫爲民生致祭祈穀宜悉陳情愫更製新詞此事內閣九卿等官會同詳議奏聞通考

又諭祈穀祝文每年皆用定式既爲民祈求宜直抒情事去歲直隸亢旱已經蠲免賑濟但三冬雨雪甚少朕心仍切焦勞此祝文該衙門將朕肫懇卹民之意切實撰擬進覽通典

二十九年正月辛丑祈穀上帝御製祝文親詣行禮御製祈穀壇頌通考

四十四年正月辛丑祈穀於上帝親詣行禮御製唯天爲大頌通考

四十六年冬至大祀天於圓丘諭郊祀大典諸臣以天時嚴寒請朕勿親詣行禮朕身體強健步履安和毫不知倦若果稍有患苦卽遣皇太子或大臣代行典禮何不可之有今身既無恙可欺妄乎況年齒漸

增正欲乘未老之時躬親行禮耳會典事例

四十八年正月辛巳祈穀於上帝御製祝文通典

五十年十一月戊戌冬至大祀天於圜丘親詣行禮初臣僚以聖躬違和請遣官恭代報可尋奉

諭旨朕躬安好如常必親祭方展誠心朕今年已六十行禮時兩旁人少爲扶掖亦可正祭日遂親詣行禮

通考通典

五十四年正月辛酉祈穀於上帝是年正月十日上辛尚未立春諭以從前亦有用次辛下辛致祭者令

諸臣議之乃以正月三十日下辛行禮通典

是年冬至大祀天於圜丘用御定雅樂會典事例

五十七年十一月乙亥朔冬至大祀天於圜丘遣官恭代仍照常齋戒定制大祀之前致齋三日是月

諭大學士等曰冬至祀天明日卽應齋戒朕因足乏力來至湯泉身雖在此瞻望郊壇不能釋懷爾等傳諭

太常寺令將齋戒銅人照常送至乾清門朕在此照常齋戒其祭祀人員齋戒務令恭敬通考

五十八年十一月庚辰冬至大祀天於圜丘命親王恭代仍親往瞻拜行禮先是諭大學士等敬

天尊祖所關重大年來因多病足痛遣大臣恭代今冬至齋戒之時朕足雖不得力潔誠之念有餘擬於

祭祀之前升壇瞻仰省視俎豆量力跪拜退處輦次俟恭代親王行禮畢然後回宮此係創行之禮如漢大

臣以從無此典引據書史爲言朕年已老在位六十年矣豈易得此例乎諸臣覆奏以聖體初愈天氣嚴寒

請停親祭又奉諭前者偶未親祭王以下公以上俱不齋戒此次著照常齋戒隨朕前往不必隨朕行禮

朕行禮不必贊禮作樂候拜畢至更衣幄次派出親王偕衆行禮禮畢朕乃回宮將朕親詣之處著祝文內正祭前一日御太和殿視祝版香帛如儀正祭日升壇先拜拜畢命皇子和碩誠親王允祉行禮通典

六十一年十一月丙申冬至大祀天於圓丘是月十五日冬至前期五日聖祖仁皇帝命世宗憲皇

帝恭代行禮十三日聖祖疾大漸命世宗嗣皇帝位改遣大臣恭代行禮十四日祝版恭填世宗御

名太常寺堂官由內閣恭擇安設十五日承祭官行禮時各官不陪祭通考

雍正元年正月辛卯祈穀於上帝世宗憲皇帝親詣行禮前歲冬世宗憲皇帝登極以卽位遣官告祭

天地宗廟社稷逾歲改元以壇廟祭祀典禮重大命派王二人散秩大臣御史各二員部員

侍衛各四員稽查失儀及扈從人等任意行走著爲例是月辛卯親行祈穀之禮通考

九月諭禮部鑒帝親理應並舉報本之情罔極配天之典宜隆我皇考聖祖仁皇帝允宜崇祀郊壇

克配上帝以後冬至祈穀祭天祇奉聖祖仁皇帝同太祖高皇帝太宗文皇帝世祖章皇帝配

享夏至祭地亦如南郊祈穀禮祇奉配享共詳議以聞十一月辛丑冬至大祀世宗憲皇帝親詣行禮

恭奉神位奉安於上帝神位之右太宗文皇帝之次第二青幄內前期祭告一應禮儀俱與康熙六年

同通典

二年正月辛巳祈穀於上帝奉聖祖仁皇帝配享志通

又奏准天壇大祀上帝位前金鋪一幢前門鋪二配位前金鋪各一應於各鋪上設蓋祭時委太常寺

官各一人恭候皇帝上香後卽行安蓋其鋪蓋行工部製造五年諭天壇內有羣飲嬉遊者應令禮部

太常寺嚴行出示禁止仍不時令司官前往稽查如有此等之人卽行嚴拏交部治罪會典事例

四年十一月 上祀 天於 圜丘諸王大臣奉 諭今日未祭之前大雪及行禮時微止行禮畢雪復大作

此實 上天垂佑之象朕心甚慰爾諸王大臣諒亦必共相慶幸也

五年十一月奉 諭 壇 廟祭祀典禮攸關理宜潔淨齋戒聞得大臣官員於齋戒處飲酒嬉戲殊失敬謹

之意理應派官稽察嗣後派監察御史二員各部院衙門司官四員每旗派賢能旗員各一員內府官員二員

三旗侍衛二員前往 壇內嚴行稽察查出卽行參奏其齋戒臨近時將旗下大臣職名具奏朕酌量派往至

於旗下大臣俱有管兵責任祭祀前期一日不必前往 壇內齋戒於各該旗衙門齋戒至次早預先前往再

天壇內有放鷹打鎗成羣飲酒遊戲者著令禮部太常寺嚴行出示禁止仍不時派司官前往稽察如有此

等之人卽行嚴拏交部治罪以上雍正內閣 上諭

七年正月詔嚴 壇廟演禮之禁是歲既行祈穀禮越日奉 諭 壇廟之中最宜嚴肅聞祭祀之先卽在其

中演禮非潔齋虔享之義其議之部臣議奏會典開載凡祭祀執事等官當擬在禱殿演禮嗣後宜仍遵行如

有特加祭典先期於神樂觀演習從之通考

十一月初三日諭滿漢文武大臣今日冬至祀 天於圜丘天氣清明和霽迥異平時朕御極以來時時默禱

凡遇 壇 廟祭祀典禮所關皆求 上天賜以晴和天氣而齋戒之日朕必虔誠敬謹以爲昭格之本不敢

絲毫怠忽乃數年之中果蒙 上天鑒察朕心每逢祭祀典禮或先期風雨或過後陰寒而本日行禮之時必

然晴霽喧和此萬耳萬目所觀瞻歷歷不爽者間有無知之輩奏稱天道渺茫恐難預必朕諭之曰若果天道

不符朕之所禱必是朕心不誠朕當作災異會僧加懺惕修省言者慚報而止大抵妄誕不羈之人則以爲天乃清虛之氣去人甚遠何能有感必應而庸愚鄙陋之人又以爲神明之道可以禱求獲福而以私意干瀆豈知褻慢已甚不但不能獲福且至得罪於鬼神矣天道至公惟祐善人一念善天必錫之福一念不善天必降之災且天道至近時刻照臨於前後左右之間帝王有帝王之天臣工有臣工之天卽匹夫匹婦亦有匹夫匹婦之天舉首卽是動念卽是不以貴賤而殊亦無須臾之離也善惡之報全視乎其人之自取以善念而得善報以惡念而得惡報卽如播種者種稷則生稷種黍則生黍又如擊器者擊金則爲金聲擊石則爲石聲此一定之理無可疑者然善惡之分又必視乎其心之公私倘存心爲公則雖懲創多人誅戮多人亦適足以成其善而可以獲福存心爲私則雖保全多人寬釋多人亦適足以成其惡而至於獲譴夫所謂私者不但徇情枉法婪贖受賄然後謂之私有沽名邀譽之念亦是私有計較利害之念亦是私有迎合君上之念亦是私有垂名後世之念亦是私必須利害得失全不計及只一念順理而行以俟天命此卽所謂誠也然必敬而後能誠故古之聖賢以主敬爲本惟其主敬是以念茲在茲不愧屋漏無慚表影處處可以對天則不善之念又何自而萌乎旣無不善之念則是一身之中方寸之內但有獲福之基而無招禍之理焉有不荷神明之默祐而順適暢遂者乎此朕身試之而確然見其無毫髮之或爽者爾諸臣試遵朕言而行自然覺悟自有效驗也總之爲君爲臣之道只有敬天勤民二端而用人行政卽在敬天勤民之內爾等每當頒祿受賞之際咸感激以爲主上之恩不知朕之所以自奉輿遽及大小臣工者皆百姓之膏脂也君若臣共受百姓之奉養而於教民養民之道漠不關心聽其失所清夜捫心何以自安尙云可以對天地而無慚乎吾君臣當共勉之雍正內閣

上諭

十二月諭定例正月上辛日祈穀於上帝若上辛在初五日以前則於次辛行禮雍正三年五年俱以次辛祈穀仍舊章也但思元旦朝賀著朕躬之禮儀上辛祈穀者祀天之大典明年正月初二日上辛禮部請於十二日中幸行祈穀禮朕思以正月而論則十二日爲中辛若以立春後而論則爲下辛矣因朝賀筵燕而展祈穀之期朕心深有未安著於初二日上辛行禮先期照例敬謹齋戒停止朝賀筵燕嗣後若逢元旦上辛則於次辛祈穀如在初五以前或值初七日世祖章皇帝忌辰著兩奏請旨通典

八年正月祈穀於上帝以初二日上辛親詣行禮通考

十一月冬至大祀前期奉諭朕自臨御以來每值圜丘大祀必親詣行禮今年冬至之日恭遇皇考聖祖仁皇帝忌辰禮部太常寺引康熙三十九年及四十五年正月初七日祭祈穀壇恭遇世祖章皇帝忌辰遣官恭代之例奏稱今年郊祀之期應照此例遣官恭代朕爲此五中輾轉今年不親行郊祀之禮於心甚爲不安其如何得展朕心而又符合典則著大學士九卿敬謹妥議具奏大學士等奏言記稱君子之祭必身親蒞之有不能親則使人攝可也周禮春官亦稱大祭祀若王不親則攝祀唐宋之制大祀與國忌同日者樂備而不作然議者謂饗神不可無樂未若攝祀之當乎禮也應仍遣官恭代以展明禋奏上從之通典

十二年十月諭壇廟乃關祭典之處俱當潔淨嚴肅太廟社稷更宜恭敬故派太監等專責以掃除之事又派旗員輪班看守若非祭祀之日一應官員不許擅入原係定例近聞在內住宿之太監等將伊等親友縱令出入行走看守之旗員亦將朋友引入廊院乘涼此皆平日懈弛之所致也著交禮部太常寺嚴查禁